

: احداث الدين
ويعقوب كمال

واعتصموا بحبل الله جميعا ولا تفرقوا . . .

مدير مسئولی
عنان جودی

آبونه بدلی
ک عثمانیه ایچون
ایکی ۵۰ غروش
آیانی ۲۵ غروش :

تعلیم مسلمانان

یه ایچون سنه لکی
آیانی ۳ روبله
مالاک اجنبیه
۱۲ آتی آیانی
فرانقدر .

وجعلناکم شعوبا وقبائل لتعارفوا . . .

محل اداره :
استانبول : بایزید
چادر جیلده
اخطار مخصوص :
عالم اسلام واسلامیته
عائد مقالات و آثار
مع المعتبره درج
اولنه جقدر .

نسخه سی . ۴ باره

دینی سیاسی تاریخی فلسفی و احوال عالم اسلامده باصت هفته اوله مجلد در
ناشر : تأسس ۳۲۸ مولد النبی

صرف مدنی، علمی، ادبی... الخ قونفره نك حاضر -
 قنلرینی کورمک اوزره ۱۹۰۸ - سنه سی مایه سنده ،
 آوستریا عالم سیاستجه مشهور ، راجخدرات اعضایه نندن
 چه قرامار ، دها آز شهرتلی ایکی رفیقی (سلوودن
 هر بارو روتن هلیو و تنسکی) طاقارق پترسبورغه کادی .
 «اسلاو مافار» ، «اسلاو هفته سی» بویونجه پترسبور
 رغه قلوب ، بارلاق ضیافتلر ، شلکلر آره سنده قونفره نك
 مقدمه سی اولان مذاکره دخی بولندیلر . موضوع بحث اولان
 مسائل ، روس مطبوعاتنك ویردیکی معلوماته کوره ، مواد
 آتیه دن عبارتدی .

۱) غوغالی قارده شاری ، یعنی روسلار لهاری
 باریشدیره رق ، اسلاو اتحادیه بویوک بر مانعه تشکیل ایدن
 روس — له نزاعنی اورتنه ن قالدیه مقی ، ۲) اسلاویانو
 قیللیکی اداره مطلقه و متعصبانه ارتودوکسلی مجذوبیتندن
 قورناروب ، اتحاد اسلاو طرفدارلرینی دها واسع ، دها
 اجرارانه بر ملیت اساسی اوزرینه جمع ایتک ، ۳) اتحاد اسلاو
 حرکتیه یکرمنجی عصره چسبان بر مانیک ، اقتصادیک ،
 عملیک و برمک . — ایسته بو اسلاره بناء قورولان بان
 اسلاویسم زکله شولاسویسم نامنی آلدی .

پترسبورغ ، صوکره وارشاوا قونفره رانه رنده ، ابلك
 قونفره نك براغه انعقادی تقرر ایدوب ، ۱۹۰۸ سنه سی
 ایچنده اوقونفره آجلدی ، بورایه اسلاو عرقنك هر رلو
 عنصریه منسوب سکان قدر مرخصلر طوبالانشدی .
 پراغ قونفره سنده سالف الذکر اسلاره مستند برخیلی
 مقررات اتخا اولندی . ازجه عمومی بر اسلاو بانکسی
 آجیق ، اسلاو مطبوعات مخصوص بر اداره مرکزیه تأسیس
 ایله آزاده صروده اسلاو مطبوعات قونفره لر ی باقمق ،
 بر اسلاو تعارف آجتمه سی تأسیس ایتک ، اسلاو لر آراسنده

عمومی لسان اولق اوزره روس لسانی نشر ایتک ،
 اسلاو شاهیه جمعیتلرینی ژیمناستیک ایله اوغراشیر جمعیتلردر ،
 شرقی جمعیتلرینی ، علی الاطلاق اسلاو کنجیلرینی اسلاو
 مملکتلرنده سیاحت ایتدیرمک .
 پراغ قونفره سندن آز اول ، لهلرله روسلرک یاریشه
 جقاری روایت اولندیه سنه صوکره دن بونک آصار اولدینی
 آکلاشیلدی ، لهلر پراغ قونفره سنده پک صغوق طاورا .
 ندیلر .

ایکنجی شولاسویسم قونفره سنك صوفیه نه ، یعنی یکی
 استقلال قرائش باغارستنه ک ، تساریفاد قبولی اوکنده کی
 کنج یاختمده انعقادی ده پراغ قونفره سی مقرر اتندیدی .
 صوفیه قونفره سنندن بحث ایتک هنوز ایرکندر :
 مطبوعات بویه به طابعیان آرائس تاغرافنامه لرندن صحیح
 و تام بر فکر حاصل ایدبله میور . بوباده اطرافلی واهمیتی
 معلومات استحصالی ایچون ، بر آز دها بکلمک ، قونفره
 ضبطناملرینی دکله بیله اسلاو غزته لرینك مفصل شؤناتی
 کوزدن کچیرمک لازمدر . بناء علیه ، شمیدیک ، صوفیه
 قونفره سنك درجه اهمیتینی آزیحق اولسون اظهاره خام
 ظن ایتدیکمز ، اتحاد اسلاو حرکتنك شوقیه و ناقص
 تاریخچه بیله بالاکننا صوفیه قونفره سنندن بحثی آتی به تعایق
 ایلپورز .

لا

بشکطاش ۲۸ حریران

بویوک همشیردم امینه سمیه خانم

افندی حضرتلرینه

انتفات عالیکرده مظهر اولان مقاله می «تعارف مسلمان»

مزه کوندر دکند نصکره بونک بر اسلام آناسی طرفندن

«لکن یاقینده ایکنجی بیسته دوریه دها کلوب بنیته جکدر . بو اولکیلری قدر اسکی اولما یغندن بلکه اونلر قدر اونودلامشدر
 «بیسته دوریه اسلاو لر قورناروق ایچون تورککله قارشی ایتدیکز صوک محاربه نك شیطنتی ، دیسرایلی قولیه طوردر براش ،
 «تساریفاده صوک سفر بیزک ، اصلا اونودیلیمه حق شالی آتشتافوس محاربه سنك سنه دوریه سیدر .
 «کرچه بویارلاق کونلرک خاطره سی عدالت بر صلح محاکمه بیله قرار و براش ایه ده ، کرچه غلبه سزک نمرانی طوبله میهرق
 «قاریخیزی معلول وسقط برافش ایه کده ، اسلاو حربی اوغرنده قربان ایدیلش روسلره ایدی ابدملر رکز اولونش بویکونلر
 «اصلا اونودیلیمه لر در ، بر اولودی دورک خاطراتی دائما باراملرله قارشیلامالی ز . . .»

(توریه وره میاده — ۱۱ نوپار ۱۹۰۷) روس پلچتک الک بویوک والک معتبر غزته سی ، اسلوب علی ایله یازیلش
 بوشاقانی نشری ، آتشتافوس معاهده سنك هندی کوننده اولجه ، مدنی . . . الخ اسلاو قونفره سنك کشادینی توصیه ایله بترپور ،

جوابلانه جفته امین اوله رق باشقه ایشاریمله مشغول بولنیوردم. چونکه صورديغم سؤالره، براسلام قانینك زده لشمش قلوبندن آجی آجی اعترافلره قاریشیق برصورته یوکسلیوردی. البته بویه استمدادر، وبویه اعترافلر اسلام آنالرینك حسابات مادرانه و مشغفانه لرینه تأثیر ایده جکی بدیهیدر.

ایشته همشیرم! شویه بر امنیت ایچروسنده کنديك عاتده کی وظیفه لرمله اوغراشوب طورورکن، بوکون کوچوک ذکیم پوسته جینك وريدیکی «تعارف مسلمان» منی اوطیه کتوروب براندی. طبیعی، ایلک مرافقه مندرجاستدن آرادیغم شی، مطابق بر قادین اسمی اولدی. ایشته بووقت پدرعالیکزك اسمی شداله نظر مه چاریدی. جودت پاشا! اوت، بئم عندمده پک محترم اولان براسم و پک اسکیدن طانیديغم بر ذات، چونکه بکا عثمانلیجه می اوکرتن بوذات محترمک یازدینی اثرلیدی. نه خیرلی تصادف!

بکا عثمانلیجه می اوکرتان، بو استاد محترم اولدینی کبی بوکون عثمانلی اسلام همشیره لر مزه تعارف قاپوسنی آچهنده بوختیار پدرک سوکیلی کریمسی اولیور.

محترم همشیرم! قیریق سوتک عبارله قاره له دیغم مقاله ملک استانبولی همشیره لر مزده پک شدید تأثیرات حاره حاصل ایله دیکینی تبشیر بیوریورسکز.

بئم عندمده بوکون، استقبالز ایچون ایدیه جک برامید وارسه ایشته اوده استانبولی همشیره لر ملک حال آسف اشتمالزدن آلدقاری شو تأثیرات و قلبارنده طویدقاری شو راحتسز. لکلریدر. بو تأثیرات و بو راحتسز لکلر اولیه قیمتدار راحتسز لکلر درکه نتیجه سی ملنك سعادت اوله جفته اصلا شهیم یوقدر.

اوت، نه وقت قلمزده یکدیگر مزك نقصانندن طولانی برتأثر طویار سهق و بو تأثیراتمز بر قاج آغزلرن چیقارق سیریانك، قازانك، بخارانك محیطنده طین انداز اوله رق دنیایه کنديلرینی آنحق توالت باق ایچون ککش طن ایدن روسیه لی اسلام قادینلرینك او بومش اولدینی حساباترینی حرکته کتوررسه و بونک نتیجه طبیعی سی اوله رق عثمانلی اسلام همشیره لرندن درس آلمیه بر آن اول شتاب ایدرلرسه ایشته او وقت بزلر مسعود و بختیار اوله جفز.

فقط معزز همشیرم! غشوکزه مغرور آ شوراسنی ده عرض ایده جکم که عطالته طالان بیوروسیه لی اسلام قادینلر. بئک طوبیغوسنی او باند رقی ایچون پک نازکانه بر صورته صرف بیوردیغکز خطابکزی کافی کلبه جک، بر آز آجیق، اوزجه اداره کلام ایما کلبککز لازمدر. اونکچون سرایا احتیاجاتز اولان سؤالر ملک اوزرینی برزاکت اورتوسیه اورتمیه رک حقیله برهرلک اتمه کزی طلب ایدرم. چونکه موقع مزك نازکلی بویه اورلورله متحمل دکلدز. جزئی بر تسامح و جزئی بر غفلت استقبالده بویوک، التیامی غیر قابل جرمهلر آچه جفتی شمديك آ کلاملیسکز. مع مافیه ابراز بیوردیغکز نزا کتکزی ده معذور کورورم. چونکه ماضی مزه، حال مزه عائد معلوماتکز پک نقصان اولدینی کبی بزم ایچون نه کبی استقبالر حاضرلتمده اولدیغندن ده بالطبع خبرکزی یوقدر. اکر او مدعش، مخوف صحنات حیات ماضیه مزدن بر یاراغنی چورهرک انظار فاضلانیه لرینه وضع ایده جک اولورسزم و شمدیکی حال مزك، استقبال قارغو حنره. سنه یواش یواش دوشمکن عبارت اولدینی شو قایا اسانله آ کلاته جق اولورسزم بویه نزا کتله وقت غائب اتمک ملته قارشو عادتا بر جنایت اولدینی تسلیم ایدرک بر آن اول اوکزه توشه جککزه، رهبرلک ایده جککزه قطعیا ایمم.

«تواضع ایده رک نه باقیله، نه اوکرتکله، نه به تثبیت اتمکله براسلام تورک قانینك ناسل اولسنی بزدن صور بیورسکز. مهابت همشیرم! بوباده سزه جواب ویره جک عثمانلی قادینلرینك اعدا. دینی پک محدود کوره جکسکز.» بیورلیور.

فقط... معزز همشیرم! ظن ایتمم، سیریانك چوراق چوللرنده مرشیدن بی خبر اوله رق بیویهن همشیرلرینه درس ویره رک رهبرلک ایده جک آنالردن عثمانلی محفل نسائییه سی محروم بولنسون...! البته جودت پاشا کی اسلامینك استقبالدن اندیشه مک اولان پدرلر، سیریراده اولان اسلام قادینلرینه رهبرلک ایده بیله جک آنالری بئشدرمشدر. بوکا ذره قدر شهیم یوقدر.

یوق اکر بو سؤالر مه ویره جک جوابلرک اطرافتی بر طاقم سیاست خسیسه صازه جفتدن قورقلیورسه آجیقچه سوبیله لم بو یوک همشیرم! سیاست، محافل نسائییه نفوذ

تعلق اولیایان مسئلہ آرشدن بوش بوشنہ یورلیق حیات
معنویہ مزہ قارشو سو قصد، قادیغہ قارشو برجنایتدن
باشقہ برشی اولہ من .

ای آکلامش اولہ مکہ همشیرہم! بز کندی احتیاجاتمزی
کندی آغزمنزله، کندی قابمزلہ کندمن استہ مدکجه و بونک
اوغرنده کندی فکرمن و کندی قوتمنزله چالشہادقجه حاملز
قطعیاً اصلاح اولنہ میہ جقدر . بناءً علیہ عموم ترک محرره -
لرینک، ادیبانی بر آرزو کرہیہ بر اقوب اصلاح حاملز،
تأمین استقبالز ایچون بر آرزو قفا یورہ لرینی شدتله طلب ایدرم.
قویاً امید ایدرم کہ سزک حالکز اصلاح اولنورسہ
بز مکیده اصلاح اولنور . چونکہ آرامزده یکدیگر مزی
ربط ایدن «اسلامیت» کی بر رابطہ مقدسه موجوددرکہ
بورابطہ باقی قالدقجه بزردن آیرلیق، غیرباقی پک اوزانی
یورور .

وقویاً امید ایدرم کہ ناصلمکہ بوکونکی کوندہ ارکک
یاورورلرمن بر بابانک اولادی کی استانبولده، مکہده،
مدینہده، مصرده بر صدرنک اوزرنده باش باشه و یروب
مشرتک اولدقلری استقبال ایچون چالشورلر، پروقت کلور
اتحاد خصوصاً سنده اک بویوک رولی اوینایه جق قیزلرمن،
آناتولیدن، روم ایلیدن قازاندن سیریان بخارادن
بوسندن الخ طوپالانہرقی مرکز خلافتده استقباله،
یالکز اسماً دکل بلدکہ جسماً و فکرآده بر بابا اولادی پشدره
بیامک ایچون حاضرانورلر . ایشته اووقت، محویتہ
انقراضه یوز طوتدیغنه اوتده بریده بعض امارلر کوروغنیہ
باشلایان ملتیمزک بقاسی، حیاتی تہمکدن قورتولمش اولور.
ایشته اووقت ملت اسلامیه دیگر ملتارک ملتاریہ ایتدکاری
تغایرلرندن کنیدیارینی تخایص ایدرلر، اوت، ایشته اووقت
تورکاکمیزی فرنگلشمک، روسالاشقی عاتندن قورتارده.
بیلیرز، چونکہ حقیقی اسلام ژبیسیلہ تربیہ ایدن بر اولدہنک
قوجاغنده بیویان رچو جفک دماغی، بویله عاتلرک تأثیرندن
قطعیاً آزادہ ر .

«آمریقن، فرانسر مکتہلرندن پشمن کبار قیزلریمز
ایسہ آلتورقہ لقلہ قابل توفیق اولمیان آلافرانسه لنگ
تأثیراتہ مغلوباً مکتہسات علمپہلرندن سائر وطنداشاری

ایدوبده قطعاً حکمنی اجرا ایدہ من!! چونکہ قادیلار،
بو سیاستک محوری چورنلرک آتالیدر. آتالرک محکومیت
ذلتندن آزاده بولنہ جقنی انسانیت لسان حالیلہ امر ایدیور.
اونکچون، سعادت مزہ دائر سربست سربست قونوشہ
بیلیرز، همشیرہ!

مکتہلرک نقصان، غیر منتظم، احتیاجات حاضرہیہ
غیر کافی اولقلہ برابر بونک اوزرینہ معلملرہ اولان قحظقلردن
شکایت بیورلیور، طبیعیدرکہ بویله نواقصاری اکیالہ
چالشق بر طرفدن معارف نظارتک بورجی اولدینی کی
دیگر طرفدن نہ نسوان اسلامیان آرسنده صاحب اقتدار،
منورالفکر اولانلرینک وظیفہ سیدر .

نسوان اسلامک کرک معارفجہ و کرک سائر جہتیجہ
اولان احتیاجاتی طاغلر قدر کوملر تشکیل ایدرکن و بونلر
نظرہ چارہ جق بر صورتده کوزمزک اوکندہ دلسوز بر
حالده طوردرکن مع التأسف بونلرک چارہ سنہ باقی ایچون
در سعادتده و سائر بلاد اسلامیه منورالفکر اسلام
خاتلرینک جزئی بر تشبده بولندقلرینی بیله ایشیدہ میورز.
بزم بورایہ دارالخلافہ مطبوعاتندن طنین، اقدام
غزتلری کلیور . بو غزتلر هر کون - تعبیرمک قابالی
عفو میورلہ - بر یورغان شکندہ نشر اولدینی حالده
ایکی سندر تعقیب ایدیورم - ایچور سنده اسلام قادیلرینک
اصلاح حالته، استقبالرینہ دائر یازیلان بزداہ مقاله اولسون
کورمک نصیب اولیور .

واقعاً پک نادر اولہرقی طینده خالدہ صالح امضایہ
مقالہ کوزوکور . فقط مع التأسف بو مقالہ لرک ایچور سنده
نسوان اسلامه خالدہ برشی بولمیور . مقالہ، یازده قطعیاً
مناسبتی اولمیان مسائله خالدہ اولیور یاخود وقت خوشایی
ایچون یازیلان بر طاقم مقالات ادبیہ ن عبارت اولیور .

خالدہ صالح حاتم افندیکن مقالہ لری، کندینسی
«تورک» محررہ لرینک مهم برعضوی دیبہ بزہ تقدیم ایدیور.
فقط ناولوردی بو اقتدارینی بر آرزو نسوان اسلامک سعادت
اوغزینده صرف اینہ... مقصدہ کلام همشیرہم!
البته سزده نسایم ایدرکنر، احتیاجاتمز بو طارندہ
یعین یعین طوردرکن ادیبانلہ وقت کچرمک، بزم سعادت مزہ

ایقام ، قیزلرینی مکتبہ و پرورگن بر «تورک» قیزی اولورق و یروبدہ آلورکن نام بر فرنگ قیزی اولورق آلدیغندن قبلرندہ بر آجی طویان والدہ لک مقداری آرزو بولسون ؟ اوحالده ایش زہدن قالیور ؟ البتہ تشبیکلرک یوقاغندن اولہ یایلر . ایشته ہم شیرہم ! بویالک تشبیک مقدیس ، ملتیک قادیلر یوزدن دوچار انقراض اولہ جفتہ درون قبلدن متلم بولند . یغکرہ امین اولدیغ ذات عالیہ رینہ ترتب ایدیور . اوت ہم شیرہم ، بر اسلام آنانی مکتبی تأسیسنہ تشبیکہ بولما . کزی عثمانی ہم شیرہم دن ایلک اول طانیدیغ ذات عالیہ کزہ تکلیف ایدیورم .

مکتبہ اسلام قادیلرینک قولاقلرندہ غی کو بہ لردن تأسس ایتسون . بوکا بزم روسیہ لی اسلام قادیلری قالیقلرندہ غی انجیلرینی سوک و یرمکله اشتراک ایدرلر .

اسلام لک ملتقہ غلبہ چالقی آرتق طمرلرینی قورنا جت خولیا کاتبہ سیلہ یوزلری کولن روسلر ، فرانسوزلر ، آمریقانلر آرتق کورسونلرکہ شرقہ یشامق استبدن ملتیرینی دینلرینی غائب ایتک ذلتنہ قطعاً تحمل ایدہ ییدن اسلام قادیلری وارددر . یوزلر دینلری ملتیرینی اوغرینہ قولاقلرندہ کی کو بہ لری ، باشلارندہ غی انجیلرینی ہبا ایدیورلر .

بو یوک ہم شیرہم ! تاریخمژ شان و شرقہ مالیدر . اسلام قادیلرینک اسلامیت ، مایت اوغرنده ایتدکاری خدمتیری یرلہ ارککلردن دہا بو یوک و دہا شایان تقدیر اولمشدر . تاریخ اسلام بوکا لسانیہ شہادت و یرور . اوحالده اونلرک خلایق اولان بزلر نەدن اونلرک احراز ایتدیکی موقعی غائب ایدہم . ونەدن اونلرک نائل اولدیغی شرقدن کندیزیری محروم ایدہم . سبب نہ ؟ اگر ابناء بشرک یوقدر کمال ایتدیکی بر زماندہ بزلر رجعت کوسترسک صوکرہ بزلری تاریخ لغتارلہ یاد ایتیمیزی ؟ اصلاً شہم یوقدر .

محترم ہم شیرہم ! شوراسنی دہ اعتراف ایدہمکہ بر برمزہ قلباً فکر آمتجد اولہ ییلک ایچون پک یقیندن تانشہ منر ایجاب ایدیور . حالیکہ بزم حالمزہ دائر عثمانی خلایقینک معلوماتی پک نقصان اولدیغی کی سزلرک حالکردن آرزو جرق خبردار اولان روسیہ لی اسلام قادیلری دہ پک محدود

ایچین موجب استفادہ ثمرات و یرمکدہ در . « یوزلرور . اوت ہم شیرہم ، تورککلک بویلہ تحویراتہ اوغرا دیغنی ، بالکیز تورککلک ایلہ دکل ہلکہ « اسلامیت » ایلہ دہ قابل تألیف اولین آلافرانغہ لغک سزده بزدن دہا زیادہ انتشار ایتکدہ اولدیغنی ، ملتیرینی ، عرف و عادتلرینی کوجہ سز تواندیز ملتارہ سرایت ایتدرمک خصوصندکی مہارتلری . چالشہ لریلہ متناسب اولان آمریقانلیرک ، فرانسیزلرک اورالردہ کوندن کونہ توسیع نفوذ ایتدیکی ، منافع مالیرینک اقتضاسیلہ آچش اولدقاری مکتبہ رینہ معصوم ، پرغنت اولان اسلام قیزلرینک فوج فوج کیرمکدہ اولدیغنی ، حتی بزم ملتیرور بعض عثمانی خانلر مزبیلہ بورالرہ کیرمہ تشو یقاندہ بولندقلرینی ایی وقدر ایشہ دیوردم . فقط بوندن مقصد نہ اولدیغنی ہیچ برتورلی آکالایہ یورم و حالاً آکالاہ ما مقدیم .

اگر مقصد بالکیز اکتساب معارف ایسہ اوج یوز میلون ملت اسلامیتہ مرکزی اولان مقام خلافتک معارف نظارتی اسلامیت تربیہ سیلہ تربیہ ایدہمک ، فنونجہ انتظامجہ آمریقان مکتبہ رینہ رقابت ایدہمک درجہ دہ مکمل آنا مکتبہ لری تأسیس ایتکدن عاجز میدر ؟ اگر اولہ ایسہ استقبالدہ اسلاملرہ رہبرلک ایدہمک اولاد ملتی ناصل یتشدہ بیلہ ییلر ؟ البتہ سزده تسلیم ایدرسکیز کہ ہم شیرہم ، فرنگکلشمش بر والدہمک قوجاغندہ بویویان بر اولاد ہیچ بروقت اسلامارہ رہبر اولہ من . اولقی استہ سہ بیلہ یوزر دیکیز وجہ وزرہ آلا نورقہ لقلہ قابل تألیف اولیان آلافرانغہ لقلہ شرقلق بینندہ دہ قوجہ بر تضاد اولدیغندن رہبرلکی یاپہ من ، قابو مسلمینی کندیتہ جاب ایدہمک ماز نظری شرقدن زیادہ غریبہ قالور .

اگر معارف نظارتک عجزی بودجہ دن طولانی ایسہ عجیباً بڑ اسلام قادیلری ... ؟

دونما اعانہ سہ قولاقلریندہ کی کو بہ لری چیقاروب و یرمک قدر ابراز حمیت ایدن ہم شیرہم مرفنون و وظائف مادرانہ لری تعلیم ایتکدہ برابر اسلامیتلرینی ، ملتیرینی اوکرہ دن بویلہ آنا مکتبی تأسیس خصوصندہ نەدن ابراز فعالیت ایدہمک بولر ؟ اہمیتی می تقدیر ایدہمک بولر ؟ فقط ظن

حکومت، بونلرہ اور تودوقسلفی نشر ایتمک ایچون، یایونلر حسابیلہ بایہ ویریوردی، وھیچ کیمہ ویرمادیکی واسع حقوقی بونلرہ ویریوردی، فقط بونلرک بوقدر انعام احسانہ، مقابل حکومتہ قازاندر دقاری شی اوج بش سرسریدن عبارتدی، بالکیز بونلرک قالسہ نہ ایسہ ایدی بوندن باشقہ حکومتک وجودیندہ اولہ جریجملر آچبورلردیکہ نتیجہ سنک وخامندن روس ارباب بصیرتی ترترتہ وردی، بوجریجملرلدہ روسیہ اخلندہ کی سازاقوامی روسلردن نفرت ایندرمکدر، واقعا اوعراشدقاری هب روسلاشدر مق ایچوندی، فقط بونلرکچون مراجعت ایندکری تشبیلری انسانی روسلردن نقرتہ عادتاً اجبار ایدن تشبیلر دندی.

ایشته بونلر روسلر نظراندہ آجی آجی حقیقت اولارق برر بر تعیین اتمیہ، آرتق مسیونیرلرک وجودندن اورتودوقسلفی نامنہ بر شی استفاده ایندیجکی یواش یواش آکلاشلیمہ باشلادینی وقت مسیونیرلرک استقبالی مظل، قارنغو بر تہلکہ قاپایوردی، آرتق بوقت هر بر مسیونیرلرک قلبنی بر قورقو استیلا ایدرک شو، مہلک استقبلدن قورسیلہ بیلیمک چارہ سنی بولق بر کندیارینہ ایچون حیات مادہ سنی تشکیل ایدیوردی.

ایسکی موقع بلندیلرلہ برابر میلیونلری دہ غائب ایتمکدہ اولدقاری خاطرلرینہ کانجہ عادتاً چیلدیر یورلردی، ایشته شوچیغان ایچورسندہ قزاندہ مذکور مسیونیر قونرہ سی انعقاد ایندی.

مادامکہ ایشک ایچورسندہ بر کرہ غائب ایدیلن موقعلری تکرار قازانق، بردفعہ اُدن کیدن میلیونلری تکرار اُلدہ ایتمک کی ہم بر مادہ وارددر، البتہ قونرہ نک غایت جدی اولوب، ویرلہجک قرارلرکدہ اولہ شقہ بکاور قرارلر اولیوب سولک درجہ ماهرانہ اطرافلیجہ وشولنرک هر حالده رهبان خویایسندن آزادہ بولنہ جنی درکاردی، بز بورالرینی دوشندکبہ عاقبتک وخامندن ضغر ضغر نریوردق، فقط نهقدر آلدانہ نزونہ قدرده بوشی بوشته هیجانار کچیر مشرکہ ویردکاری قرارلرک، مذاکرہ اولان مادہ لرک، بوکون اولسہ اولسہ احوال غلندن بی خبر رهبان خویایسی اولہ بیلہجک بر طاقم صاحبہ صابان مقررات اولدیننی کورنجه اولکی انعقادزہ جدآ پشیان اولیورز.

بر محیطک ایچورسندہ بولنیور، اونلرکچون صحتہ تعارفده آکلاشلمازہ بک چوق احتیاجز وارددر، ایشته بندہ کنز کلہجک مقالہ مدن اعتبار آروسیملی اسلام قادیلر بک احوالنه دائر یازمیہ باشلایہجف، امید ایدر مکہ فرط تاثیر کنز سایہ سندن اتحاد افکار و آمالہ اوومدیغ تاثیر ویرر ۱۰۰۰۰

سیبریالی عائشہ

عالم اسلام

قزاندہ انعقاد ایدن مسیونیرلر قونرہ سی

مناسبتیلہ

ای قونرہ، روسیہ مطبوعاتی قزاندہ انعقاد ایدن مسیونیرلر قونرہ سیلہ مشغول بولنیور.

بونلرک سبب اجتماعی، بونلرک بواجتماعلر ندویر دجکاری ویاخود ویردکاری قرارلری، بوقرارلرک حکومت طرفندن قبول اولنوب اولنایہجتی ایشته بتون اشتغالک اساسی تشکیل ایدن مواد.

عجا بوقونرہ نیچون تأسس ایندی وبوندن مقصد ندر؛ ایشته هرکک ابلاک اول ذهنتہ کلن سؤللردن برنجیسی.

روس مطبوعاتک بر قسمی قونرہ سی، اورتودوقس، روس منافی نظرندن انعقاد ایندی کوزیلہ باقیورلر، فقط بز بونی طوغریدن طوغری بہ قبول ایتمیوب ایشک ایچندہ هر شیدن زیادہ منافع شخصیہ اولدیننی ادعا ایتمک ایستمز، اگر مسیونیرلرک بوکونکی وبو آنہ قدر اولان صفحات حیاتیلرینی نظر دقتہ آلهجق اولورسہ حقیقتک بولولدیننی تسلیم ایتمکدہ بوکون بر عناد اولور.

مسیونیرلک صنعتی بوکونہ قدر حکومتک، روسیہ دہ کی بتون اقوامی روس قالبہ صوفق ایچون قوللاندیننی بر آلت اولدیننی هرکک معلومیدر، فقط حکومت بو آلتک قطعاً ایشته یازمہجتنی، بویلہ رهبان نامیلہ بر سورو پایاسک مملکتی طولا شوب اہالی بہجبر ونضیق اجرا ایندیلہ سیلہ هیچ بروقت روسیہ یار بر قابہ صوفمہجتنی مدیدہ تجربہ یارلہ آکلادی.